

佛說如來不思議秘密大乘經卷第十三  
三俊

佛說如來不思議秘密大乘經卷第十四  
俊

夏譯經三藏朝散大夫試光祿卿傳梵大師賜紫沙門長壽等奉齋

金剛手菩薩大秘密主授記品第十六之餘  
余時世尊為金剛手菩薩大秘密主當授記  
時會中有二萬人發阿耨多羅三藐三菩提  
心皆願生彼普淨世界金剛步如來刹土之中

俊四

一

和

余時金剛手菩薩大秘密主聞佛世尊與授  
記已心生慶快踊躍歡喜即以金剛杵擲虛  
空中當其戲擲金剛杵時而此三千大千世  
界六種震動天雨眾華鼓奏音樂復於一切  
眾會右手自然皆出種種妙色最上華鬘余  
時金剛手菩薩大秘密主即於佛前合掌諦誠

說伽陀曰  
廣博大法王  
善分別諸法  
隨法依法脩  
圓滿清淨行  
能於三世中  
頂禮無障礙  
日光極光明  
淨旨深妙響  
常現淨妙身  
離語言分別  
解脫諸眾生  
能報佛大恩  
諸聞佛教授  
真脩如理作  
余時金剛手菩薩大秘密主并餘一切在會  
大眾各以所持眾妙華鬘散於佛上以佛威  
神力故所散華鬘即時普徧此三千大千世

無盡妙法藏  
已於諸法中  
善住我歸命  
功德王名稱  
常持無盡智  
月光極圓淨  
妙光勝光聚  
三寶勝金光  
亦無身繫屬  
雖為大法師  
而無眾生想  
功德勝利中  
無異法可轉  
隨所授法門  
唯出家能報  
隨所授法門

欲為利世間  
捨除吝惜意  
佛清淨大士  
徧聞於三界  
平等善所行

徧淨復清淨  
梵音極妙音  
故我今頂禮  
常說妙語言  
不生於法想  
世間何所作

界皆現衆妙華鬘莊嚴周匝盈積可八步量  
無二無說品第十七

尔時寂慧菩薩摩訶薩前白金剛手菩薩大  
秘密主言秘密主世尊如來授仁者記邪金  
剛手言善男子佛授我記如夢自性寂慧言  
今汝授記有何所得金剛手言無所得故而

我得記寂慧言何法無所得金剛手言我人  
衆生壽者悉無所得彼蘊處界亦無所得乃  
至若善不善有罪無罪有漏無漏世間出世  
間有爲無爲若染若淨生死涅槃皆無所得  
寂慧言若法無所得云何是中有授記乎金  
剛手言由無所得故即於是中以通達智而

俊四

二

乃授記寂慧言智何有二而可觀邪金剛手  
言若有二可觀即無授記可得然以彼智無  
二可觀是故諸菩薩於無二智中如是授記  
寂慧言若智無二可觀者復云何有能記所  
記邪金剛手言若能記若所記以平等性於  
無二際中悉無所得寂慧言秘密主無二際

中云何有記金剛手言若彼際如是即是無  
二際即於彼際中故如是授記寂慧言何名  
爲際復於何處而得授記金剛手言我際處  
授記衆生際處壽者際處人際處授記寂慧  
言且我際處復在何處金剛手言我際處者  
即是如來解脫際處寂慧言如來解脫際處

而在何處金剛手言如來解脫際處在無明  
有愛際處寂慧言無明有愛際處復在何處  
金剛手言在畢竟無生無起際處寂慧言畢  
竟無生無起際復在何處金剛手言在無表  
了處寂慧言若無表了有何開示金剛手言  
若有開示即非無了寂慧言云何無開示金

剛手言諸有所表悉無開示寂慧言若無開  
示何有教令金剛手言若有教令即無開示  
若無開示即無教令寂慧言云何得教令金  
剛手言雖有表了即無所受寂慧言云何表  
了而無所受金剛手言若不著文字即無所  
受寂慧言云何不著文字金剛手言謂隨順

俊四

三

義寂慧言此復云何是隨順義金剛手言謂  
即於義而無所見寂慧言云何於無所見邪  
金剛手言若義非義悉於是中求不可得寂  
慧言若於義非義求不可得者即何所求邪  
金剛手言由於義非義求不可得故即無法  
可求寂慧言若無法可求者即於一切悉無

求邪金剛手言此中無有少法可求何以故  
以無法可求故法即無法寂慧此中何者各  
為法邪金剛手言若法之聲尚不可得是中  
復何而有法邪善男子如是應知若言法者  
謂於文字不著不行是說言一切諸法無言  
無說善男子若有人言有所說者彼即非說

以非說故彼即無法亦非如理寂慧言秘密  
主若尔者豈非如來諸所說法亦非說邪金  
剛手言寂慧豈非我先曾為汝說世尊如來  
不說一字以無說故如來即以神通願力隨  
衆生意示有所說寂慧言設有說者何過失  
邪金剛手言有所說者語業過失寂慧言彼

詰業者復何過失金剛手言文字思惟取著  
過失寂慧言此復何能離過失邪金剛手言  
一切法中若有所說若無所說悉無少法而  
可表了無表了故即離過失又復於已無所  
開示亦離過失寂慧言其過失者何為根本  
金剛手言彼過失者取為根本寂慧言取熟

為本金剛手言執著為本寂慧言執著孰為  
本金剛手言虛妄分別為本寂慧言虛妄分  
別孰為本金剛手言增上所緣見為本寂慧  
言增上所緣見孰為本金剛手言色聲香味  
觸法即是增上所緣根本寂慧言云何無所  
緣金剛手言愛不相續即無所緣寂慧當知

如佛所說一切法中若斷於愛即無所緣  
金剛手菩薩大秘密主說是法時會中有五  
百苾芻得心解脫二百菩薩得無生法忍  
入曠野大城受食品第十八之一  
尔時金剛手菩薩大秘密主滿所思念得授  
記已安慰其心生大歡喜踊躍慶快前白佛

後四

四

言世尊我今勤請世尊降赴我所居止秘密  
宮中微伸供養期滿七日并請菩薩摩訶大衆  
願佛慈悲哀受我請何以故世尊曠野大城  
中有多夜叉羅刹鳩盤荼必舍左乾闥婆摩  
睺羅伽等異類衆生悉住於彼令彼等衆得  
見佛已於長夜中利益安樂息除癡戾恚惡  
之心復令四大天王諸眷屬等於長夜中獲  
大利益安隱而住若佛世尊悲愍我故降赴  
我宮菩薩聲聞隨受微供使令無量諸衆生  
類增長善根復令我等圓滿意樂佛即默然  
而受其請

尔時金剛手菩薩大秘密主知佛世尊默受  
請已心生歡喜踊躍慶快即時頭面頂禮佛  
足右繞七匝速離佛會還復所止曠野大城  
時金剛手菩薩大秘密主至自宮已乃起思  
念我今如何施設供養復依何等境界莊嚴  
而爲嚴飾令欲色界諸天子衆起希有心復  
令十方世界所來集會大菩薩衆咸生歡喜

我亦於佛廣大施作妙供養事作是念已即  
自記憶往昔一時佛於夜分入三摩地其名  
寂靜不思議廣大所行我亦隨佛即入是定  
東方去此過疏伽沙數等佛刹土已到一世  
界名無邊功德寶莊嚴彼有如來號莊嚴王  
其佛刹中化主世尊爲十千菩薩授菩提記

後四

五

我於尔時見彼佛刹不可思議天人莊嚴超  
勝一切妙莊嚴事我宜依彼無邊功德寶莊  
嚴世界所莊嚴相而爲嚴飾當爲世尊作供  
養事

尔時金剛手菩薩大秘密主即入大莊嚴王  
三摩地於是三摩地中如實觀覩彼無邊功  
德寶莊嚴世界種種殊妙莊嚴等事如其所  
觀即運神力於此曠野大城中施設莊嚴與  
彼無異而彼無邊功德寶莊嚴世界者東西  
南北縱廣正等六十四由旬以青瑠璃而爲  
其地帝青大寶作其牆界垂珠華瓔衆寶嚴  
飾閻浮檀金而爲蓮華衆寶枝葉衆寶瓔珞

間錯垂布復有無數入妙寶衣復有無數珠  
璣嚴飾復有無數殊妙繒絲垂以無數妙寶  
華鬘燒香塗香衆妙寶餅亦復無數周匝徧  
散種種色華人所觀者殊妙悅意若身若心  
歡喜調暢出現無邊功德寶聚復現無量色  
相莊嚴又有廣多百千莊嚴妙師子座寶机

承足寶繩交瑤寶華莊嚴垂真珠網周匝盈  
積可八步量又復布設無數天衣空中復有  
寶網垂覆如是種種妙莊嚴事於餘廣多世  
界之中昔所未見昔所未聞又復嚴辦百味  
精珍上妙飲食又復布列百千莊嚴妙獅子  
座安處空中一一獅子座空中自然有妙寶

蓋各各垂覆殊妙莊嚴衆相具足  
尔時金剛手菩薩大秘密主於其定中安布  
如是殊妙勝相施設莊嚴師子座已從定而  
起過於夜分至明旦時嚴辦最上清淨食已  
深心清淨將欲供養世尊如來菩薩大衆  
佛說如來不思議秘密大乘經卷第十四

俊四

六

佛說如來不思議秘密大乘經卷第十五

西天譯經三藏朝散大夫試光祿卿僧正大師賜紫沙門尼路護等奉詔譯

入曠野大乘受食品十八之餘

尔時金剛手菩薩大秘密主又過夜分即告  
四大天王言諸仁者汝等當知我今請佛并  
大菩薩諸聲聞衆降我所止秘密宮中期滿

俊五

七日微伸供養以佛世尊悲愍我故而受我  
請汝等各有力量能廣多眷屬於七晝夜中勿  
生放逸勿起亂心亦復且止諸餘作事專一  
精勤供養於佛乃至此曠野大城所止一切  
夜叉羅刹必隸多鳩盤荼必舍左乾闥婆摩  
睺羅伽等并餘所住諸衆生類以我教勅悉

告語之衆等應知金剛手菩薩請佛世尊來  
降於此曠野大城期滿七日作供養事汝等  
宜應攝諸恚惡發清淨心復起廣大歡喜之  
意嚴供世尊聽受正法  
尔時金剛手菩薩大秘密主即告長子金剛軍  
言賢者汝今宜應以自神力往彼梵界自梵